



Scientia Sanctorum

Collecta Ex Meditationibus Ludovici De Ponte, Joannis Busaei, Joan. Suffren, Juliani Hayneufve, Et Antonii Gaudier, &c. E Societate Jesu, In Dominicis, Festa & ferias totius Anni digesta. Cum Indicibus duobus. I. In singulos dies. II. Ad Exercitia Spiritualia

Puente, Luis de la

Dilingæ, 1685

30. De iis quæ secuta sunt Pauli conversionem.

[urn:nbn:de:hbz:466:1-60588](https://nbn-resolving.org/urn:nbn:de:hbz:466:1-60588)

permanerint in perfidia : neque est verò simile, quin à Saulo postea instructi, saltem aliqui in Dominum crediderint.

MEDITATIO XXX.

De ijs qua secuta sunt Sauli conversionem.

PUNCTUM PRIMUM.

Surgit de terra : apertisque oculis nihil videbat ad manus autem trahentes introducunt *Act. 9. 8.*
 Damascum. 1. Jacuerat toto tempore visionis in terra prostratus à lumine & voce. Humiliari enim debuit, & cum reverentia excipere mandatum Dei; sed & in talibus debilitari solent vires corporis, ut contigit Danieli : & Jacob claudicavit ex visione Dei. Languet caro, vidente spiritu. 2. Ad jussu dicentis: Surge, resumptis viribus, surrexit, non è terra tantum, sed ex terrenis affectibus, roboratus Spiritu. *Humiliatur Saulus. Dan. 10. 8. Gen. 32. 31.*
 Surge qui dormis, & exurge à mortuis, & illuminabit te Christus. 3. Apertis oculis, nihil videbat : quia mens cœlitus illustrata, despicit terrena, & ad ea non attendit, nec movetur. *2. Obedit Deo. Eph. 5. 14. 3. Fit cæcus.*

PUNCTUM II.

Quid egit illo triduo à visione? Erat ibi tribus diebus, non videns, & non manducavit, neque bibit; sed oravit, ut Christus Ananiæ *Quid egit cæcus. Act. 9. 9.*
 Q 5 di-

1. **Cur tri-**
duo. dixit : *Ecce orat.* 1. Tribus diebus erudiri de-
buit de mysterio SS. Trinitatis, in cuius no-
mine baptizandus erat. Et sicut Christus tri-
duo jacuit in sepulchro ante resurrectionem su-
am : ita Paulus in illo secessu contemplatio-
nis, priusquam resurgeret per baptismum. Ac
Apostoli per decem dies præparati sunt ad re-
cipiendam plenitudinem Spiritus sancti : Paulus
autem triduo tantum ; quod festinaret Deus il-
lum adhibere ad opus prædicationis. 2. Præ-
paratio fuit triplex, visus exterioris privatio, &
abstractio à visibilibus, jejunium, oratio. 3. Illo
triduo eruditus est à Christo de omnibus excel-
lens. 3. Eruditur lenter, non externo magisterio, sed interno.
à Christo Unde ait : *se non ab homine accepisse & didicisse*
Gal. 1. 12. Evangelium, sed per revelationem Jesu Chri-
sti. Et hoc ipsum indicavit Ananias, cum ad e-
um veniens dixit : *Deus præordinavit te, ut*
Act. 22. cognosceres voluntatem ejus, & videres justum,
4. *& audires vocem ex ore ejus, quia eris testis illi-*
us ad omnes homines, eorum, quæ vidisti & au-
disti. Et inter alia etiam didicit, quod per Ana-
niam visus ei foret restituendus.
11.

PUNCTUM III.

1. **Modi re-**
velatio-
nū varij **A** Nanias interpellatur à Domino. 1. Mona-
tur in visu vel somno, cum Saulus vigilans
vocatus fuisset : nempe sive vigilantes, sive
dormientes, decet nos ita esse compositos, ut
Pf. 138. idonei simus recipiendo divino lumini. Nox, il-
81. *luminatio mea in delitijs meis. Et ego dormio, &*
Cant.
5. 2. COR

cor meum vigilat. 2. Designatur vicus, ubi di-
 versabatur Saulus, quod vocaretur *Rectus*, & Mysteri-
 Dominus domus, *Judas* quod est confessio, si- um in
 ve peccatorum, sive divinæ laudis. Aptè omnia. vocibus.
 nam ceperat gressus suos rectos facere, & a-
 gnoscens sua peccata, laudabat Patrem miseri-
 cordiarum. 3. Jubetur Ananias adire Saulum, 3.
 non accersite ad se, quia ægrotus adeundus est Cur A-
 à medico, & quia vult Deus quæri oves suas, & nantias
 quadrat nomen *Anania*, quod est, *Nubes Do- adit.*
mini, quales esse debent Prædicatores, nempe
 veloces, agilesque, & imbre cœlesti pleni, ad ir-
 rigandas animas.

PUNCTUM IV.

A Nanias obtendit difficultates, quas diluit
 Dominus. 1. Ait: *Domine audivi de viro* 1.
hoc, quanta mala fecerit Non oportet conce- Fallacia
 ptas opiniones de proximo, præsertim ex solo judicia
 auditu, tenaciter retinere, maximè cum potue- relinque
 rit interea emendari. Et Ananias audierat ex o-
 re Domini de Saulo: *Ecce orat*: quod erat si-
 gnum mutatæ mentis. 2. Videtur Ananias affe- 2.
 ctu humano ductus, quòd timeret sibi à lupo. Tergi-
 Unde velut interrupit initio sermonem Do- versatur
 mini, objiciendo difficultates. Licet quidem Ananias
 difficultates proponere, ut discamus modum e-
 as vincendi; non verò, ut declinemus execu-
 tionem mandati. Neque Ananias sic proposu-
 isse putandus est, sed ut cognosceret, quomo-
 do agendum sibi cum Saulo. 3. Dominus re- 3.
 spon-

Christi
ad eum
respon-
sio.

spondit: *Vas electionis est mihi iste.* Verè ele-
ctionis, hoc est, modo singulari, nullisque ejus
meritis delectum, & ad summa quæque ele-
ctum. Vas autem, hoc est, instrumentum, ad
portandum nomen meum coram gentibus, & re-
gibus, & filiis Israël: & quod de Sole dicitur:
Ecel. 43. Vas admirabile opus excelsi. Nec portabit mo-
do nomen meum, sed pro illo etiam multa pa-
tietur. *Ostendam enim illi quanta eum oporteat pati pro nomine meo.* Recenset ipsemet,
qui tulit: *In laboribus plurimis, in carceribus abundantius, &c.* Et quidem jure optimo ita
Deus disposuit. Primò, ut lueret in se, quæ ali-
is intulerat sanctis, & per hæc præpararetur ad
insignem gloriæ coronam ipsi à Deo destina-
tam. Deinde, ut discamus extraordinarios
gratiæ favores non conferri, nisi multa pro
Christo passis, aut per afflictiones disponi ho-
minem ad illos. Denique, ne foret discipulus
supra Magistrum, aut Apostolus, præ eo qui
misit illum.

PUNCTUM V.

1.
Suavis
provi-
dentia
Dei.

ANanias exequitur mandatum Domini. 1.
Adit Saulum. Potuerat Deus, qui tam
potenter vocaverat, absque ministerio cujus-
quam reddere Saulo visum, sed amat subjectionem
in quolibet, quantumvis magno. Unde etiã
per Ananiam Saulo denuntiat, quòd esset mu-
nus ejus, *testificari de Christo in omnes gentes.*
Compellat Ananias eum benignè vocans fra-
trem,

trem, sed cum autoritate tamen agit : *Saule Act. 22.*
frater ! respice, Deus praordinavit te, ut cognosce- 13.
res voluntatem eius, exurge, baptizare, & abluere
peccata tua, invocato nomine ipsius. 2. Voluit 2.
Deus illuminari eum ante baptismum, ut magis Baptis-
gauderet, conspecto baptizante, & inde intel- mi vir-
ligeret effectum baptismi, qui illuminat & tus ostē-
sqummas peccatorum abstergit. Accepit si- ditur.
mul donum linguarum, aliisque Apostolis im-
perita. Quomodo exultavit ? quas Deo grati-
as egit ? pro epistolis autem quas attulerat ad
vinciendos credentes, ipse factus est viva epi-
stola, ad Christi gloriam evulgandam. 3. Con- 3.
tinuò ingressus synagogas predicabat Jesum, quo- Fervor
nam hic est Filius Dei. Non acquievit carni & Sauli
sanguini, ut ipse ait, sed absque respectu suorum conversi
(quibus levis, & inconstans videri poterat, &
quorum indignationem ac persecutionem me-
tuebat) tanquam musto plenus statim profiliit,
ut Apostoli, post acceptum Spiritum sanctum:
& convalescebat, & confundebat Iudeos affir-
mans quoniam hic est Christus. Ita nimirum re-
dimere volens priorem culpam, & resarcire da-
mna illata, & implere quod alijs postea ipse præ-
scripsit : Sicut exhibuistis membra vestra ser- Rom.
vire immunditiae, & iniquitati ad iniquitatem, 6. 19.

ita nunc exhibete membra vestra servire

justitia in sanctificatio-
nem.

ME-

MEDITATIO XXXI.

Illustres Pauli virtutes.

PUNCTUM PRIMUM.

1. **P**Aupertas eximia. 1. reliquit omnia, ut cæte-
 Pauper- ri Apostoli; & implevit, quod suavit: *Ha-*
 ras B. bentes alimenta, & quibus tegamur, his conten-
 Pauli. ti simus: & tanquam nihil habentes, & omnia
 1. Tim. possidentes. Nam bonum paupertatis erat ipsi
 6. 8. præ totius mundi possessione. 2. Sustinuit mul-
 2. Cor. tam egestatem: *in fame & siti, in jejunijs mul-*
 6. 10. *tis, in frigore, & nuditate.* 3. Ne gravaret Fide-
 c. 11. 27. les, cum posset vivere de Evangelio: *sibi &*
 2. Thes. *socijs victum labore manuum* quæsit.

PUNCTUM II.

1. **C**astitas inconcussa. 1. se proponit exem-
 Castitas. plum cælibatus: *Volo omnes vos esse, sicut*
 2. Cor. *me ipsum: ut essent sancti corpore & spiritu, &*
 7. 7. *possent sine impedimento Dominum obsecrare.* 2.
 2. noluit mulierem circumducere (quod alij facie-
 c. 9. 15. bant) quæ sibi necessaria suppeditaret, ad cau-
 22. telam & exemplum. 3. Probatus fuit tentatio-
 3. nibus, *Angelo Sathana eum colaphizante, & ro-*
 Interna gantem pro liberatione responsum fuit: *Sufficit ti-*
 pugna. bi gratia mea: nam virtus in infirmitate perfici-
 2. Cor. citur: Nempe dum oppugnata vincit. Et con-
 12. 7. tinet tentatio hominem in humilitate, *Ne ma-*
gnitudo, inquit, revelationum extollat me, datus
est mihi stimulus carnis. Eodem spectat, quod
 di-